

晚晴移詩匯

晚晴移詩匯卷一百四十六目錄

趙景賢 六首

郭崑燾 三首

陳昌綸 一首

應寶時 一首

凌煥 一首

馮譽驄 四首

孫清元 五首

王權 九首

沈炳垣 一首

孫鼎臣 十二首

潘遵祁 五首

曹炳燮 一首

李鶴年 一首

黃彭年 十二首

林壽圖 七首

楊翰 三首

柏春 九首

蔣超伯 八首

沈丙瑩 十八首

路璜 九首

張大觀 二首

陳崑 一首

周勃一首

朱錫綬上八首

晚晴移詩匯卷一百四十六

徐世昌

一趙景賢字季侯號竹生歸安人道光甲辰舉人歷官福

建督糧道守湖州殉難贈巡撫諡忠節

詩話竹生雄才勁節力守孤城血戰三年幽繫賊中亦復經歲慷慨就義百折不回睢陽文山並堪媲美絕命諸詩載於國史其餘感事之作皆豪邁激昂凜凜有生氣信言爲心聲也

辛酉十月有感而作

自親矢石又經秋多壘空增四國憂病骨支離仍乘障豪情慷慨獨登樓一腔熱血從何灑萬姓生機尙可謀桑梓安危桑土計迨天陰雨要綢繆

冬夜偶成示溫次言

空城木葉晚蕭蕭午夜風聲似聽潮無寐一編燈自照高

吟百甕酒能消哀時王祭詞偏美避地梁鴻跡已遙不用  
登樓頻望遠青燐白骨徧皋橋

絕命詩

豈待孤城破方嗟力莫支從來亶守義敢以死生辭亂刃  
交揮處危冠獨坐時相持不相殺鼠輩爾何知  
裂眦呼狂寇奚煩講說多斷頭身自分抗手意云何厚貌  
徒爲爾孤臣矢靡他空勞樽酒獻罵坐更高歌  
猝爲羣盜困遑敢學文山且盡從容義聊驚醜類頑單辭  
明順逆正氣懾神姦反覆誰家子相看祇厚顏  
是豈天良見環觀涕泗揮但期能悔禍豈必與生歸伏劍  
余何憾投戈汝莫違漫收吾骨葬暴露益光輝

郭崑燾字仲毅號意城湘陰人道光甲辰舉人候補四

品京堂有雲卧山莊詩集

詩話意城幼從羅忠節讀宋五子書慷慨論世事張  
惠肅招佐幕府與左文襄共事文襄作書札輒自署  
老亮日意城新亮以諸曠見志事意城雖迭佐大府  
灰盤密謀多所參與而不樂仕進晚以子慶藩官浙  
江安輿西游  
終於養舍

重過白馬市見刈稻已了偶作述懷

磨牛陳迹幾經過  
瞥眼韶華歎逝波  
世路棲皇同夏熱  
客中情緒覺秋多  
不堪時事憂饑饉  
已分浮生老薜蘿  
且喜田園無恙在  
築場稍稍見登禾

觀音巖

空舂高出雲其中劇深黝

空舂崖亦名觀音巖

茲崖稍低狹劃若神

工剖蚪松蟠巖側真見支離叟  
云是念菴植綿歷歲月久  
如何風雨宵不化蛟龍走

重過洞溪渡有感

咸豐六年王觀察壯武公督師援鄂予曾送之至此

一水抱城曲數家垂柳深十年重喚渡萬感入悲吟世事仍無定斯人不可尋秋風吹落日江上掃層陰

陳昌綸字凝甫羅田人道光甲辰舉人官內閣中書有量齋詩鈔

別王笛生明府

寶田

十年京國花前酒萬里黔陽衣上塵有句旗亭還記否亂山殘月馬頭人

應寶時字可帆號敏齋永康人道光甲辰舉人歷官江蘇按察使有射雕館詩集

讀盃山志寄懷薛慰農院長卽用其九日澹然招集旃檀林卽事原韻

桑根先生其猶龍入世出世殊凡庸晚耽泉石豈所願早

躬軒冕猶非慵東牀

李景卿  
觀察

寄我盍山志如向羣玉窺

龍相違忽忽踰十載未得攜酒來過從金陵自昔最繁盛  
劫火之後皆蒿蓬記曾共躡翠微頂放眼一望萬古空其  
時意態尙雄傑俯視多少峇巒峯名花未厭鬢毛白野草  
猶疑戰血紅寇盜初平四彝服傲岸身世誰能容幸蒙聖  
恩放歸去麋鹿性喜林草豐滄江一卧歲頓晚惟愛深夜  
聞清鐘虛空打破便無礙此理真實非機鋒懸厓撒手百  
事了先生之意將無同桓公魯公並辛苦武鄉終竟瘁厥  
躬何如靖節與元直種秫種菜春融融老方學詩不解律  
聊賡長句呈河東

凌煥字筱南號損窳安徽定遠人道光甲辰舉人署江

南鹽巡道有損窳詩鈔

哀憤

填海移山願總虛橫刀蹶起一長吁眠蠶死債千絲繭行  
蟻生涯九曲珠地下不逢黃耳犬城中偏有白頭烏破巢  
完卵傷心事風雨將雛尾畢逋

馮譽聰字叔良號鐵華高要人道光甲辰舉人歷官金

華知府有鈍齋詩鈔

詩話鐵華早負清才與兄展雲中丞齊名初舉於鄉  
工時文試帖楷書久困公車爲博士官則讀說文考  
唐韻以小學名及入官後捧檄馳驅恆萬  
餘里以詩見志筆有遠神非鈍根人可語

過獨流昔官軍破賊處

縱目平蕪鬧居然古戰場寒沙沈劍戟廢壘下牛羊日落  
墟煙寂天空秋水長亂餘幾人在應與計耕桑

嚴子陵祠下有懷慰農

桐江江漲接西泠相望遙遙兩客星  
煙水似隨高士去湖山還爲使君青  
天涯驛路憐芳草畫舫鷗波隔遠汀  
孤負平生釣游約移文應愧北山靈

別信州

六載溪山穩泛舟他鄉人作故鄉留  
最難風雨重陽日背指黃花出信州

金陵亂後名勝都盡惟飛霞閣尙存  
周縵雲侍御以十二月十九集同人祀坡公生日繪圖徵詩孫君琴西詩最感慨爲賦長句

天風吹盡高城籜雪邊重見飛霞閣  
弁陽詩老坡後身自采梅花薦清酌  
坡公千載一來歸城郭人民感是非  
孫郎

太息周郎笑莫作新亭淚灑衣

孫清元字亭甫又字仲初號菊君呈貢人道光甲辰舉  
人候選同知有抱素堂詩存

黔南驛中題壁

一驛出雲背一驛落井底一驛巖罅間一驛水聲裏  
夜猿嗥家山隔千里

十一月初六發平夷初出滇境悵然成詠

昆湖回望千巖隔此去真成異鄉客一關中斷界滇黔關  
內晴雲關外雪長路漫漫雨雪明銷魂不待斷鴻聲驛樓  
燈火梅花夜便有天涯萬里情

九日登臨安東城樓望昆明撫時感事賦長短句

菊酒不忍酌步至東城圍城頭樓最高上與天爲鄰經始

自洪武及今五百春借問簷前好風日幾見連屋累棟燒  
成薪我昨初客瀘水濱亂餘逢節欣飲醇邇來又重九胡  
乃四塞皆烽塵行省不決戰撫策坐令邊吏愁逡巡巡方  
使者文絕倫郡侯意氣干青雲手長斧柯短醉膽空輪困  
座中復有二三客談詩說劍俱清新憑欄我獨望慈親邊  
雲慘澹心氛氲此樓雖高何足云點竄歐陽詩俯仰淚沾  
巾昆池已不見況乃城中人

山館曉起

一夜夢清冷不知春淺深開門見芳草宿雨在幽林聽鳥  
有閒意問花無限心寥寥塵境外倚樹獨長吟

得劉仲鴻書感賦

烽燧淹响叮煙花夢浣江雁書時得一龍劍不成雙世正

憂多難城如築受降亂離嗷那管輕棄舊鄉邦

王權字心如伏羌人道光甲辰舉人官興平知縣有笠  
雲山房詩集

題滕王閣圖

章江浩浩挾風走江上欄杆礙星斗水耶雲耶相與深筆  
勢已吞彭蠡口主人披圖催進觴指點景物呼滕王吳頭  
楚尾幾靈境收入軒檻青茫茫昌黎作記子安序鴻文傑  
閣爭喬皇我聞滕王紉綺耳輦麻作縉冷人齒椎剝脂髓  
窮豪華彩壁雕甍照江渚王郎序宴多矜誇杜老哦詩亦  
誣美竟託土木垂千秋姓名長伴洪州水吁嗟乎當世榮  
身後名古來何事非倖成矧今烽火逼梅嶺腥風遠撲南  
昌城誰能鼓楫訪名勝且上文臺飛巨觥手斟一盞薦西

伯酒闌更聽松濤聲

暑夕譚西屏

磨

劉夢星

開第

見過

世情喜貢諛塗澤成風尙頌德皆淵騫褒才盡爽望筆舌  
爭掄揚齋醜以相餉遂令當世賢功行兩頽喪我謂虛譽  
加慘於得奇謗千里求友生可依惟直諒勗哉同心人規  
過勿謙讓惡鹽堪洗銅藥石益腑臟阿世非吾能自行意  
所向

述懷

法令紛牛毛故牘積充棟欲涉苦無涯迷茫墮煙霧譬如  
夜行政指導賴僕從猾胥緣以張放手恣操縱巍巍平章  
權乃與滑渙共豈無經世才俯首聽牽控申韓猶逡巡詩  
書復安用

形埒龜背圖卷一 一百四十一  
六經於人事細大無不該漢尙專經學餘緒成吏才醇風  
在朝陛愷澤周草萊後賢掃訓詁析理窮胚胎語錄日蕃  
衍聞道人人皆實事反遺棄政俗能無頽嗚呼流派別源  
遠誰當迴

早發後河隄

禹跡知何處空留鳥鼠名亂山迎馬首殘月墮雞聲客路  
盤雲上人煙隔澗生誰家小兒女酣睡失天明

大散關

干盤磴道入雲中秦塞嚴關此最雄扞水南來常帶怒武  
鄉北度竟無功松根尙闕前朝雪石洞時穿隔嶺風歎息  
宋人輕棄險趙興原上嘖交弓

初抵延長

百里剩荆榛荒城塞水濱飢鳥還槁骨怪獸詫生人驛路  
蕪難辨邊氛煽太頻嗟嗟盧與扁無術起青燐

耆老幾人在逡巡訴馬前各言輕戰伐不自識園田轉徙  
來千里兒孫半九泉皇恩非不渥大賚已三年

固謂窮邊苦聞言更慘悽此官非令長與爾課耕犁誰使  
牛羊徑鞠爲豺虎蹊弓刀拋未得節使尙征西

沈炳垣字紫卿海鹽人道光乙巳進士改庶吉士授編

修厯官左中允廣西學政殉難贈內閣學士諡文節

楊忠愍公諫草亭落成紀事

忠愍兩疎遺墨觀者賊尾殆徧松筠庵僧心泉

屬海鹽張受之辛手摹勒石並築亭於庵之西南隅以弄之刑成而受之嬰疾歿於庵

長安市上多詞豪書牆畫壁喧啾嘈囂囂片石勒諫疏孤  
亭兀立星辰高公生有膽死有節兩疏萬言言瀝血彼蒼

此其集言也卷一 四二一  
特爲忠盡留紛紛尾續徒饒舌張君勁鐵筆一枝惜不鏹  
公臨死詩腥雲漉漉壁上噴丹心萬古振聳疲古來神物  
難磨泐印識平原琴信國鬼神呵護此貞珉百世流傳勤  
拂拭我欲拓亭地盈尺以鐵鑄賊踞亭側賊身朽盡疏不  
滅人來戟手猶詈賊

孫鼎臣字子餘號芝房善化人道光乙巳進士改庶吉

士授編修歷官侍讀有蒼筮集

詩話芝房官翰林幾顯用矣會時艱家又多故憂病  
早歿時減惜之詩以入黔爲最工論者至此之子厚  
山水  
記云

江行晚望

江花江草日萋萋楚客情傷望欲迷朔吹浪高荆渚北鄉  
心日落洞庭西山荒獨木哀猿叫天暗平蕪去鳥低湖浦

蓀荃無限思不堪叢竹鷓鴣噓

送陳頌南給諫

虞鏞

還晉江

道光中年數御史高要之蘇臨桂朱復有陳侯起閩嶠矯  
若三鳳翔天衢陳侯骨鯁絕代無手拔鯨牙捋虎鬚四夷  
髣髴想風采鍵戶著書猶老儒猛虎居山長藜藿神鷹側  
翅奔羣狙豫章雲雷拔地起袞衣日月須人扶如何默默  
不得意飄然竟鼓滄洲柂桑乾之水東北流枯桑翻風白  
日愁河冰十丈凍始合勸君曷不須與留留君掉頭不肯  
住刺桐城邊海雲暮樂志聊爲公理論歸田便擬張衡賦  
回首平生朋好遠長安市上晨星稀蘇子還山卧不起君  
又拂衣尋釣磯故人獨有朱雲在酒鑪餞別金魚解我有  
珊瑚作釣鉤贈君釣鼈向東海

丹山寺

危崖瞰龍宮，倒射千丈碧。青冥階不遠，飛閣跨石隙。滄江迴其波，沅水流向北。羣飛起沙鳥，風舉帆葉白。陂陀雲間峯，明滅見楚色。山頭朱臺出，城郭帶歷歷。虛空延冥搜，千里入咫尺。側身下危梯，舉首割峭壁。元雲垂羸羸，灑寒水太古。黑森然，陰風來氣噴。土囊直地無峨峨，冰朱夏凜悽惻。路幽聞見阻，扁鐻鬼神宅。金泥赤玉簡，龍篆森蝶鬲。奇祕何代文，儲藏自古昔。恨無巨靈掌，盡讀崇山冊。手把三秀芝，惆悵緬靈迹。

渡沅水至寒岡遇雨宿山塘驛

渡舟沅水西，夷曠意稍適。喬林帶清波，路引修纒直。中田稻，孫長秀色映阡陌。山石如丹砂，返照正東射。前峯忽不

見漠漠天一色雲從山外來飛雨勢甚逆松篁引幽佩商  
籟動林隙晚投孤館中雲散山已夕東西田水鳴細草悲  
促織

紅巖望曉雲

雲氣薄太虛瀾漫曉無邊不見紅巖頂安知岡與巒氤氳  
自相盪欲斷勢復連仿佛峨眉峯積雪六月堅初日升樽  
桑斜飛睨高天排空不得上復墮層崖巔山腰已半出萬  
木根齊懸羣龍隱其首尾掉巨石穿須臾霄漢間絳碧五  
色妍遠山豁露盡兕象出馬前秋至暑不退毒熱地氣偏  
何時駕雷公一麾金蛇鞭

到玉屏口號

山頭森木與天齊瘴雨蠻煙倦馬嘶行盡龍標五溪水夜

郎猶在暮雲西

相見坡

一峯面朝景一峯頽向西  
岩亭中峯隔屈曲經迴谿  
東峯西峯人對立前騎後騎行  
相及俯循仄磴出山坳  
去馬已從雲際入卻登中峯頂  
還顧後來人人聲嘈嘈對山語  
如蟻百轉隨車輪車旋無停時  
馬駛不可止我行懸縵上雲梯  
前騎威夷幽壑底上嶺復下嶺  
出山還入山東西兩界三十里  
向背只在庭除間人生有離合  
動若參商乖咫尺阻萬里何況  
山崔嵬崔嵬鬱蔥蒨展轉還相  
見願言相見卽知心休令窈窕  
如山深

重安江

楚水壑洞庭湘沅勢爭大沅江  
莽西流窮源獎州界西望

見鳳山突兀萬古砦獸躡鳥迹間混混鑿一派澹瀨凝不  
流絕壁照石黛繁星麗金沙駁犖得文具根蟠水府深岸  
陀斷峽隘長年色慘沮板垢百舟壞射工掠浮影暗伏虺  
與蝮日月避其幽晝夜雲雨晦中流奠回首艱遠念行邁  
浩蕩越鄉心崎嶇五溪外

楊老驛

楊老驛前風送秋宜娘山外雨初收行人齊下聞猿淚一  
片重安水不流

牟珠洞

耆闍拂天表祇洹開地靈誰移珠林樹來鑿白石扁穹隆  
聳一柱斜入天光青莊嚴兩寶塔七級捎奔星迦相枝倒  
垂膠流延上榮旁有紫竹林迸露赤玉瑛袈裟五綵幡疊

鼎九子鈴應貞祖右臂龍女立媼姪天乳五百道放出琉璃瓶味如醍醐甘色如羊脂凝老僧敬導客我倦腳欲停相從乞澗薪就此煮茯苓

夜雨銅灣舟次

霜柿深紅楓葉殷亂山凝碧水潺潺鄉心暮雨鴻飛急暝色荒煙虎渡還苗女竹枝江上曲羸兵栗子嶺頭關皇華自古懷將母況復羈愁過百蠻

九月晦日陪壽陽祁相國張詩舫少宰何青士侍御於慈仁寺餞秋主人爲葉潤臣閣讀孔繡山舍人分韻得細字

履綦行有聲落葉滿軒砌西山對小閣正露仙人髻人情秋多悲怨此西風厲焉知秋易盡浩浩川東逝驚蛇去大

壑短尾誰力掣所以蟋蟀詩達人善爲計吾師居洛下公  
袞一蟬蛻少宰人倫鑒詩律晚尤細天香祇樹林二老所  
流憩鸞螭競軒舞僧壁銀鉤麗茲辰陪清游壺觴愜談藝  
酒酣看餘霞飛鳥入遙睇

潘遵祁字順之號西圃吳縣人道光乙巳進士改庶吉

士授編修有西圃集

詩話順之入詞林時才望既高門第又盛乃留館後  
遽請急南歸刻小印曰四十歸田遂不復出就鄧尉  
築香雪草堂得楊補之四梅花卷於草堂之側又築  
四梅花閣春秋佳日逍遙山水間鄉里宗族極意收  
恤年至八十有五  
重游泮水乃卒

再游支硎

掩扉忽動游山思要看千巖萬壑秋薄霧野塘移艇去斜  
陽蕭寺聽鐘留白雲雙屐雨沾袂黃葉一林風滿樓別有

禪扃藏曲塢半房花竹最清幽

秋杪雨中過鳳池園

聽雨思移竹看雲憶種瓜短垣新舊葉荒圃淺深花地僻  
方征戰粵西軍務未竣天寒未室家豐北決口被災甚重吳儂嬉歲晚米價

似泥沙

草堂詠雙燕

感爾銜泥意柴扉鎖不關無心依廣廈有約到深山紫塞  
秋風急紅樓夕照閒新雛慕高舉知否定巢艱

一粟菴水榭與貝閨生話舊卽送之常德

常時頗怪天厄汝終歲匏瓜傷獨處漂搖家室到今日卻  
羨君身輕可舉三年不見換鬚鬢野鶴閒雲渺何許忽然  
矯翼落人海執手親朋淚如雨平生知己草間沒旅殯荒

涼不能撫

謂張護航同年

桐橋煙月縱無恙寂寞江干誰與語亦

知鴻爪偶留印刺刺滄桑話鄉土須臾惜此眼前景明日輕帆挂湘楚

出郭

出郭剛乘雨後天芳林如畫草如煙波痕乍長三篙活日影微烘一笠圓世事不來尋老圃人生只合泛輕船含情獨向春江立流盡桃花望渺然

曹炳燮字鐵香宜興人道光乙巳進士改庶吉士授工部主事有遂初詩草

青坪

一桁橋橫古渡頭賣茶棚外火鑪幽車摩峭壁逡巡過泉繞平沙曲折流野曠風團三面雨樵歸霜壓一肩秋連朝

踏盡崎嶇路漫跨征鞍得小休

李鶴年字子和義州人道光乙巳進士改庶吉士官至

東河河道總督

詩話和翁起家詞館以給諫出襄河南軍務不十年  
游耀封圻由河南巡撫督閩浙遷督東河再遷巡撫  
復督東河因案落職光緒中復起治河以遷延無功  
遣戍旋荷賜環先後官汴二十餘年遺惠在人稱道  
弗衰余督東三省時爲瀝陳宦績奏請復官並將生  
平事蹟宣付國史館立傳得旨允行和翁畢生磊落  
光明之概乃大昭布文孫  
小石錄示一絕亟爲登之

卽事

偶園小有菜花開一雨今朝著屐來草色入簾槐蔭午雙  
雙胡蝶立蒼苔

黃彭年字子壽貴筑人道光丁未進士改庶吉士授編  
修歷官湖北布政使

詩話黃琴隴先生輔辰在諫垣有直聲時目爲硬黃  
子壽早承家學又爲劉寬夫給諫女夫才名藉甚官  
翰林上書言事假歸纂修畿輔通志主講保定蓮池  
書院起爲安襄鄖荆道油鄆臬擢蘇藩踰學古堂建  
藏書樓以經誼辭章課士政尙清嚴吳民多樂道之  
移鄂藩未幾卒子編修國瑾自京師奔赴以毀殉袁  
重黎傷再同年云蕭寺重尋故人迹已凋老幹又  
摧筇石牛谷黯門風散黃鶴磯長蕙帶焚兩世交情  
隨逝水一哀鄰笛關殞雲藏書百篋空塵蠹誦省丹  
錦往日勤又云喪次星奔緣毀卒迨時柴立絕扳援  
黃氏三世皆用學行顯於時子壽尤長紀事之文  
門人輯刻陶樓文鈔十二卷詩無專集錄存其概

疏漳浦手札畢用倪鴻寶聞黃石齋歸途徧游名山

### 韻題後

絕粒十四朝賦詩何春容孔孟不我棄文謝今相逢大道  
眞受授一節難自封欽哉契前哲祀祭先卧龍

幽居際世難吾儕非默容問業得相長良會稱罕逢孝陵  
泣奇夢文明傷故封仗節在敢諫逆鱗批九龍

吾家右江老抗節無餘容餓死豈相法稟節時正逢伯父  
先生以右江道殉柳州之片紙發粵難粵匪既起大吏猶  
難被執十日罵賊不食死諱匪伯父上書不  
答乃以書抵京師朝褻忠蒙帝封傷哉確不拔血膽歸乾  
廷始知盜賊之眾龍

次韻答袁重黎

隆陰歎季駛朝霜若暮雰卉零剛蟲驚疇能持大鈞神龍  
盡思蟄尺蠖安可伸鯨齒白如雪出海干爲羣雀雛聞天  
時豈辦干霄雲言誰藥石甘香孰知見薰層冰凝已堅飲  
鶴何處川襪襪脫籠樊結巢長松根病翮心自惜嘯侶情  
每勤伊邗近堯基政闕而民醇叢樹翳樓閣碧澗幽含春  
側聞丹穴鳳浴水不浴渾德牧耀奇字華采騰軒軒高調  
叶簫韶求友靈禽園暫饑竹未花聖瑞誰爲言阿閣翼欲

翥九皋鳴遙聞曷去蒼筤箐就啄茯苓根  
裊裊不輕下高齋思呈文甚願儀丹闕  
昌運開時屯素琴寫此意求友相  
彼真長風颯然至高下濤灑沅滄洲  
繪滿壁昕夕容垂緝卷軸山石間  
天樂如衡門客來無雜語古義恆  
互陳雅稱鳳偕鶴守寒棲相鄰同  
聲幸早應一曲傳心神

庚寅九月自蘇州量移武昌留示諸生

有朋筮盍簪譬若鳥棲樹一鳥獨南飛  
眾鳥東西顧他樹豈無枝徘徊不忍  
去諸生勤講習予亦忘衰暮常抱離  
索憂畏讀銷魂賦

聚散亦何常進德期罔懈六書與九  
章藝事各異派致用求其通面牆  
昭古戒拘墟守章句大道恐破壞  
師承貴有恆曷哉日月邁

化成必由學惟士有恆心所以武城宰弦歌尙遺音國奢  
示以儉斯道無古今願爲夫子鐸貢作帝廷琛吳楚未云  
遠企望來規箴

寄鄭子尹

一官羈絆纒拋去又荷書囊出播州大府求賢頻問訊先  
生出處合深籌莫悲遲暮逢兵燹贏得清閒容白頭仕隱  
於吾兩無分友朋慚愧是茲游

題陳涉江畫冊

翠螺山畔萬株松近聽濤聲望遠峯每展畫圖如舊歷一  
生游興比人濃

佛巖頗似廣元道畫筆直追王晉卿石骨峻嶒雲氣定不  
施句勒自生成

山翠四圍如聚幄飛泉百道水成谿三谿橋畔曾延佇聞  
有高人伴鶴棲

陶潛宅裏松猶在豈識人間有永初何必倪文尋法乳拈  
毫不覺性情攄

林壽圖字頴叔閩縣人道光乙巳進士歷官陝西布政  
使有黃鵠山人詩鈔

夜過松風堂

婆娑老樹話南遷但見秋清水極天遠火漁多僧獨坐大  
江風定月中懸蒼龍蛻委禪棲後朱鳥魂銷落葉前借與  
蒲團祛世慮不知換劫是何年

寄蕙卿

松寥死後髮蒼浪相望燕閩又異鄉別我不知誰可友交

君嘗謂狷非狂東山未必耽絲竹北斗惟應挹酒漿海嶠年來蹊徑雜留昌詩教關榛荒

清明日登城隍山

王業偏安委逝波東南半壁此經過江湖越絕成中國士女清明類上河迥合青蒼沙鳥外銷沈金碧夕陽多不關興廢傷春目數點閩山隔翠螺

次平望驛卽事

驛平山不見況見洞庭君震澤湖光遠吳興水派分魚鱗秋後雪鷺脰樹邊雲忽作洛生詠聲愁老婢聞

京口阻雨

蒼然寒色暮煙橫跼跼飛鷺與水平三日塔鈴呼斷渡一江帆葉貼依城遠鐘自出南朝寺曉角如塵北府兵破費

千錢京口酒醉看高浪駕長鯨

望梁山

宮城何代倚岩巖苑戶祠宮並寂寥三月鶯花千古恨五  
更風雨百靈朝橋山弓劍疑黃帝昆水旌旗近絳霄不料  
霸圖銷歇後又經劫火土成焦

雪滄同登西城樓以詩見示次元韻

長樂門開曉角愁談兵人老雪盈頭咸京自昔興亡地渭  
水無情日夜流莽蕩川原連戰壘艱難芻秣唱軍籌玉關  
定遠今誰屬悵立西風縹緲樓

楊翰字伯飛號海琴又號息柯宛平人道光乙巳進士  
歷官湖南辰沅永靖道有裒遺草堂詩鈔

畫眉關

舊夢飄零不可思  
浮萍飛絮再生期  
西風萬里吹游子  
愁聽空山叫畫眉

自題畫扇

一椽草草結山阿  
卧聽飛泉灑薜蘿  
白石蒼苔無客到  
滿林寒葉雨聲多

思范堂落成與永郡諸君讌集周遷安學博卽席賦詩依韻答之

對酒談兵動四筵  
解牛早已目無全  
乾坤牢落悲時事  
山水幽深憶昔賢  
五夜風霜曾草檄  
三春花月好飛箋  
于今越石雄心退  
鞭影甘輪祖述先

柏春字東敷晚號老鐵蒙古旗人道光乙巳進士授兵部主事歷官直隸候補道有鐵遂仙館宦游草從戎

草

吳牧驩曰東敷負材略喜談兵如陳同甫一流人少從聶蓉峯太史游釋褐後以兵部司員隨大營轉職甚久其詩以沈雄勝呈恩緘茶尙書十首指陳軍事實有作用非紙上空談

周雲圃太守游宦粵東

山左清才騎省郎期期口吃笑周昌一官琴鶴艱行李九  
曲魚龍繞故鄉傲骨有時增嫵媚薄醺亦足助清狂遺憐  
萬里飢驅客海上波濤撼五羊

磁州

太行王屋競嵯峨講武城荒俯逝波上黨雄關通溢口北  
平新界畫漳河水村香煮雕菰滑野市雲堆吉貝多風景  
江南差可擬買田竟欲闢煙蘿

發平干避雨敗寺

竟日平干路紆迴大陸間寒雲難作雨斷阜亦名山莽飲  
清泉澀鐘敲老樹閒百年餘破寺佛髻墮花鬢

曉發正定

冰合滹沱後輿梁朔構時亂沙穿水破孤塔撼風危野闊  
狐跳迅林寒鳥語遲荒村呼豆粥猶許療晨飢  
積靄空林外遙山失翠微鈴聲搖亂夢簾影得朝暉溜疾  
水猶活霜濃沙不飛勞生塵鞅裏那息漢陰機

呈恩絨菴尙書

將才本天授生爲梁棟資次亦歷兵間深識行陣機自從  
三季來世降風逾瀉殺機迭相勝權謀日以滋苟未歷鋒  
鏑烏能工指麾識途有老馬卒伍咸可師古今兵家言方  
策猶昭垂胸中羅武庫幻出風雲奇絕學非師授抵掌承

平時父書縱能讀勿爲趙母悲

徵兵數逾萬一家萃胡越勢旣等烏合搏沙終坼裂懵然  
金鼓間步伐勞無節耳目圓韜鈴恩威輕斧鉞未能指臂  
聯何以著勳烈古人推腹心情誼敷愷切嗜好喜忌殊才  
能羸縮別仁義卽法律淪浹在膚髮齊然爲我用赴蹈亦  
愉悅乃知背水師操術徒詭譎

見賊譁相走失律則有誅豈不畏軍政強懦同一途戰罷  
按功罪黑白互欺誣桃僵或李代攻瑕且拚瑜計非厲選  
鋒疇其奮前驅值茲寇氛惡同仇極海隅激揚術匪難拊  
循情自孚豈無翹關材英風冠萬夫徙木信能示食駭報  
可圖盤根畏利器況乃摧朽株

行軍用偵諜樸與黠相濟純篤情不欺儂巧機無滯虜在



速其敗神僧心印早了然呼兒散棗向街前

題東阿旅舍

石亂不成路車行常有聲荒山無鳥語瘠土半鹽耕乘月  
投茅店澆愁喚麴生夜來鄉夢破樓鼓報嚴更

包刺史棣園

斗大江城內何年鑿洞天湖心橫小牒山脅出飛泉樹作  
羅紋細花爭玉導妍風流佳刺史應是十洲仙

九日同來峯慕杜登黑窰殿

一上荒壇思渺然葦叢雲落菊叢鮮蓬萊宮闕秋如畫杜  
曲桑麻碧似煙斜日收回騎月雨方塘勒住出山泉嗟予  
夢繞花村路葉墓登高溯往年

寄唐伯華

洛水連雞澤還從鉅鹿行回波無止處如我望君情又見  
門丞換何嘗吠犬驚新年當把襪五馬向春明

賊退

賊退孤城尙巋然淒淒霜淅白迷天豈無荆棘遣寒郎更  
恐桂蒲戴闕宣轉戍已經三歲久亂離難得一家全虎班  
突騎屯江上乘勝應須蕩八埏

將赴京師聞山左寇警然僕意不可止作此示諸友  
壽良城外賊連營濟水非如往日清州郡莫拘三互法詔  
書已命五陽兵饑腸自古多奇策款段何妨作遠行勝似  
青油戎幕下眉摧腰折向宣明

與義初慧福寺看牡丹

慧福牡丹開正濃新妝笑靨媚春風楸花亦好無人愛兩

樹亭亭夕照中

沈丙瑩字菁士歸安入道光乙巳進士授刑部主事歷  
官安順知府有春星草堂集

李越縵曰菁士太守澹於進取隨流平進而當官勤  
事務舉其職其官黔中當饑饉四起軍書旁午轉側  
寇鋒撫夷蘇殘不避危險觀其詩中所述雖蒼黃戎  
馬豁菁險惡而吟詠不廢一如無事所關揚忠義敘  
述亂離及軍府籌畫山川阻阨多足以補志乘備他  
日國史之采其都門唱和雍容紀載風景尤多勝焉  
施均甫曰同治乙丙之間余授徒郡城先生新自黔  
中歸過從甚密出所作詩文相示先生本方爲刑部  
爲光緒己丑其冬余至京師長相示者十增六七年  
中出先生詩文屬爲之序較先生相示者十增六七年  
詩話菁士官刑部多所平反權貴招之不往守銅仁  
退賊完城攝事貴陽力解重圍旬月間鬚髮盡白事  
平口不言勞性情敦厚詩如其人斷句如甲午元旦  
云采毫新試宜春帖紅燭還留隔歲花宿四川司贈  
那眉峯郎中云事簡身容嫩心閒夢亦涼隋文帝塔  
云珠網干年留淨土錦帆二世斷蕪城邱眞人長春  
宮云瑤島何年黃鶴駕珠宮終古白雲深登扶風山  
謁王文成祠云螺螄疑翠鬢高擁蝴蝶滿山花亂開

道學宗風開樊部名臣動業厄中官將之銅仁留別  
龔閏云琴聲早譜思歸曲風力偏留已挂帆山行  
感興云雙江水色綠於酒四野桐花白似銀答章子  
和云玉河橋畔含煙柳金海祠前出水蓮春日登燕  
臺新亭云鳥嶼爭從雲外揖波濤直到檻邊回炙硯  
云春浴鵝眼回波活水暈螺紋架翰隄皆清雋拔俗  
春日卽事時館惜薪司衙衙

寂靜書齋晝掩扉一簾香篆故依依研涵煥日隔窗炙風  
卷晴沙穿戶飛山巷荒涼春不到重城深邃客來稀花開  
梓里應嗤我草長江南人未歸

宿滑縣和壁上韻

三九嚴寒苦憶家輪蹄已瘁客程賒荒村徧是三毛飯淡  
水艱於七品茶漫說燕臺搜駿骨劇思鄉樹著梅花白雲  
深處頻回首親舍迢遙雪水涯

苦寒吟和周岷峒學博

有客有客蟪蛄巢各持一筆暮復朝朔風怒號驟凜冽硯  
冰高凸硬於鐵捉筆在手指將裂楫柁欲煨鑪不然柝聲  
敲斷人未眠涼月窺窗鎮相逼袖手相對心悄悄忽憶豪  
華朱邸擅醉酒羔羊正開宴又憶街頭賣餅翁蕭條襤褐  
風霜中世事不齊殊悲歡書生之寒猶非寒做裘在身誰  
云單襪然一笑共拊手陡覺煖氣融融生戶牖

唐太宗哀忠墓

楊花開後李花開依樣征東萬馬來躡武不愁新鬼哭蹙  
骸空替古人哀禪關已改喪忠額宮掖猶聞敢諫才爭似  
富民頌漢爵暮年溫詔動輪臺

除夕小亭招飲座上舉賈浪仙祭詩事

小亭主人才高翔秋來健筆搖岳陽驚埃烏亭足吟興歸

來示我詩滿囊滿囊詩句滿座客高築詞壇作除夕有懷  
島佛撚吟髭年年設祭陳新詩韻事豔傳許相效莫辭共  
引琉璃卮我愧粗官走塵土不學浪仙作詩苦窮年底事  
勞精神欲飲茫然何所補

途次見鋤田者感賦

聖道濟天下餽生詎辦此聿受孔子戒遂學孔子仕行義  
齊險夷受任無遠邇轍環不到秦我行萬里許未曉上征  
輦旣昏猶未止出都閱旬餘計程乃方始愧彼鋤田人一  
生守桑梓中有沮與溺應笑栖皇子

龍碕背

籌筆驛西流滔滔溪聲澎湃如飛濤一山橫絕水流處翠  
屏矗立千尺高水流不可遏山高不可越巖下一竅通瀉

若桶底脫我疑洪水泛濫時此間浩瀚無高卑西羌來禹  
禹曰咨咨爾庚辰其平治檄下龍宮神力施龍受勅召不  
敢諉穴山洩水水乃退然後峻者爲崖巔平者爲原田高  
高下下位置罔攸愆我來舒嘯龍祠背驪龍驪龍且勿睡  
欲問澹災舊時事驪龍貪睡不聞聲但聞祠底流水鳴琤  
琤

和趙鐵筠太守差次卽目之作

出郭無多路驚看戰壘高秋原斷煙火破屋長蓬蒿黨惡  
曾鳴鏑同仇更帶刀負隅氛尙熾掃盪仗戎韜

亂後修文縣蒼涼百感增儒冠變酋帥官吏傍殘僧人面  
瘦似鵠鬼燐多於鐙山城矧已墮狼虎畫憑陵

覓路遺黎返遙聞賜復恩粉榆迷舊徑井竈出頽垣雁集

嗟無室烏噓不見村飢腸飽新穀耕者幾人存

白泥差次見比戶皆食蒿喟然作采蒿行寄戴商山

觀察

哀鳴滿四野四野無稻梁可憐聲嗷嗷日夜鳴飢腸長機  
無處覓黃獨中野惟蒿帶煙綠口實乃與角龍爭性命但  
憑寸莖續鶉衣村婦蓬鬢鬢後者五五前三三終朝采蒿  
蒿滿籃攜籃歸來紅日酣釋之蒸之如薺甘土銜一飽借  
夫男夫男一飽力可用躑躅水田秧插種青青田中秧籽  
粒借官倉所祝刈穫豐官倉得填償囊有餘粟充資糧蒿  
兮蒿兮誰爾嘗苦憶年年穀未熟打稻交官猶未足

九里箐

七里霧莽噴涎九里箐森蔥蒨霧多日出消箐深日不見

左右峭壁立仰窺天一綫密樹紛排連叢竹互千萬時疑  
薜荔中山鬼白日現我行臘已殘凍沍集飛霰玉樹交枝  
柯銀海爲之眩

奢香驛

秦開五尺道牂柯漢內屬唐蒙斬令頭星郵遠相續爨瓊  
一竊據千載淪蠻服明祖紆遠略鞭箠森都督奢香訴君  
門九驛爲君築遂令龍場路使節通巴蜀緬想經營初錦  
袍親督促一曲西溪水曾照人如玉宣慰緒勿延明社嗟  
已屋惟茲舊驛亭香名永芬馥奢香樹邊功良玉擁戎纛  
天生奇女子爭輝二申錄

內莊弔王中丞三善

重圍親解貴陽城手翦蠻奴十萬兵虎子不擒空入穴豹

皮雖死尙留名降人輕信悲文偉

降人指陳其愚

烈士無援恨進

明

謂總督楊述中

一卷黔書論成敗平反苛論仗鄒生

### 乾堰塘

行行乾堰塘村墟起山脊四府始並設兩郡于茲畫

爲今大定

府親轄塘與黔西州境分界處

往時闖關多民氣今促迫虎狼去已遠捕

噬尙有跡曹家漱芳樓曾爲一宿客渺焉不可尋惟見荒

煙白

### 記黔西州桂箐團徐生先任死難事

濫泥溝深壤接鴨池弓箭結社桂箐魁奇孰糾集是先任  
徐氏新場殺賊惟桂箐之士壬戌仲秋寇犯龔州爰壁城  
下爰肆虔劉鄉各自守徐生曰否否謂鄉之於州猶手足  
之有首柰何勿救乃召其伍乃建旗鼓奮臂一呼人莫不

武賊騎雲屯孤軍無援先軫赴鬪乃喪其元仲叔季弟東  
海昆孫二十二人殲旃無復存嗚呼國殤羞彼戎行汪童  
死姬華殖死姜勿曰微賤伊史乘之光

雲林紀游次孫琴西觀察韻

朝踏山翠夜湖月借得行雲三隻韞韞做可以獅子呼招  
邀更赴雲林娛路入雲林塵念絕世事佛云不可說蠻山  
奔走年復年西湖一卧甯非緣肯以東施比如玉西子西  
湖看不足和甫少宰於天下山水作平等觀竊謂西亭下  
泠泠鳴冷泉入聽何必非管絃洞訪純陽共一晒倒出石  
林垂玉筍

同游雲林吳和甫少宰詩成卽步元韻

楊柳滿湖隄掩映籃輿影登樓待佳客縱目林亭迴吏部

今斗山蕭然騶從屏小憩入吾廬花覆廊茅靜老眼健論  
 文活火徐添茗胸次無拘攣有若樹脫瘦眾賓先後至頭  
 銜各清冷只有孫子荆坐嘯冠慵整人生貴適意游息趣  
 各領遂循菰蒲行不待山靈請

路璜字漁賓畢節人道光乙巳進士官洛陽知縣有黔

靈山樵集

詩話漁賓先生歷宰中州大邑多惠政篤好吟詠簡  
 書與委之際頃刻成章會文正督師駐周家口不以  
 俗吏相待公子訪巖觀察甫弱冠進見呈詩文正並  
 器之先生尤喜誘掖後進課士親為改削分校豫聞  
 得人稱盛去官後主講游梁書院多所造就余少時  
 從游洛陽官署談藝盡瘁不倦每有詩必令門弟子  
 屬和赴鄉勸事肩輿中詩藁積寸多倩余錄之丁丑  
 春遣其一姪兩孫同余游龍門香山會刊嵩洛紀游  
 草後余為編訂詩集多和平安雅之音觀察余姑夫  
 也詩承家學博雅好古多華贍之作孫承鑿亦能詩  
 卒早

春日偕同人登德溝文昌閣

連朝密雨靜柴扉，小霽攜朋踏翠微。  
孤磬遠隨流水度，危樓斜倚暮雲飛。  
橋通芳草迷游屐，煙鎖垂楊隱釣磯。  
到此塵心渾不染，亂峯高處落霞暉。

明月庵

絕頂構茅庵，禪心一鏡參。  
片雲留野鶴，明月印秋潭。  
室小生虛白，江空曳蔚藍。  
此中誰遁跡，孤磬下危嵐。

致祭中嶽禮成恭紀

五色祥雲映碧空，瓣香謁帝一誠通。  
心期海晏河清日，典重春祈秋報中。  
二室西來連華岳，三川東去走鴻濛。  
休矜玉檢金函盛，封禪無文聖業崇。

澗水

澗水西南來湍流如激箭霜清潭亦澄亂石出沙面斷岸  
勒迴波瑩澈毛髮鑑崖畔半村居晨汲供炊便沿溪愛清  
冷游魚淨可見緬想枕流人高風徒仰羨

白沙砦外偕汪濟川觀水磨

天地運紐樞日月互輪轉激水寓化機迴旋妙製展疾若  
風行車駛如鶩戀棧深澗走雷霆浪花翻雪蘭斗室小容  
舶盤磨大逾扁不假人力施疑有神功遣玉屑碾紛紛珠  
英霏翦翦竟日無停機一泓弄清淺昔人侈談天圍蓋識  
者鮮佛法怖眾生風輪象空衍求虛豈療飢適用等濬畎  
運行得自然手足少勞勉仰觀太虛中白雲任舒卷

伊闕懷古

妙境天然畫亦難客來憑眺酒杯寬消沈王氣三龕佛浩

蕩詩情入節灘伊水東流歸洛汭邯山北障少峯巒平泉  
金谷俱陳跡賸有名區得飽看

重游蔬香小圃贈夢廬

數畝清陰地重來雨後天簾櫳殊豁達水竹媚清妍樹密  
留雲久庭虛得月先此中真況味靜對掃言詮

片雨高城過微涼几席加泉甘浮細乳菜美茁新芽徑曲  
難容馬籬蔬不礙花莫嫌近城市到眼徧桑麻  
種樹多於屋牆低野望寬看花時過客對竹畫生寒碧澗  
分泉易紅塵到枕難卧游忘早暮脫略謝衣冠

張大觀字巨卿一字愚谷銅陵人道光乙巳進士官新  
昌知縣有遺藁

早秋作

涼風吹幾日木葉下庭柯秋色先人老詩情向晚多望雲  
知海氣聞角想邊歌一樣江南月前村照駱駝

送寶甫南旋

蕭蕭落木晚煙稠白草縈紆古陌頭詩帶秋聲人送別酒  
搖山色樹含愁一帆隨雁成南渡萬里乘風據上流莫漫  
推蓬橫短笛蛟龍恐抱夜珠游

陳崑字友崧開縣人道光乙巳進士官宜春知縣

沙洋

野渡茫無際江心劇有情酒樓鐙影淡魚艇水聲輕月向  
船頭落雲從樹杪生旅愁消已盡綠螳不須傾

周劼字獻臣彭澤人道光乙巳進士官息縣知縣有瓶

城山館詩鈔

明熹宗小斧

委鬼當頭政令弛太阿之柄倒持矣何事君王執斧柯競  
傳兒戲深宮裏金字煌煌斧背鐫龍飛歲月明天啟九重  
宴坐一事無鎮日摩挲此奇技惜把銛鋒誤指揮不斬貂  
璫斬正士廟堂鐘簾歎銷沈內殿旋聞斧聲起從來淫巧  
蕩君心無愁豈是真天子此鐵何人鑄六州大錯幾將神  
器徙

朱錫綬字嘯筠鎮洋人道光乙巳舉人官湖北知府有

疏蘭仙館詩集

琴川夜泊

遙山迎暮色一櫂入琴河遠火隨風亂繁星照水多夜涼  
生月渚秋思託煙蘿人靜聞天籟蕭蕭漁者歌

湖上送春

微雨新晴三月天  
白隄垂柳欲飛顛  
流鶯嗾殺春無語  
寶馬香車又一年

鐘聲塔影夕陽閒  
雲本無心石亦頑  
不管春來況春去  
落花如雪掩禪關

春陰

二月連陰柳澹青  
蕭齋卻掃正清冷  
春如中酒因風雨  
花不能詩有性靈  
客裏得閒塵脫網  
靜中聞沸玉浮瓶  
遠山一角輕雲碧  
寫入窗間六曲屏

荆南書院贈王子壽比部

相心

卽東龔九曾農部

紹

仁  
彝陵

翼軫南星曜玉河  
圖書座上列星羅  
大江灑氣菁華聚  
終

古奇才抑塞多十子蚤騰都下價九秋爭唱郢中歌狂瀾  
欲挽誰同志居士南峯隱碧蘿

登螺山遂訪王子壽草堂不值

路轉峯迴入畫圖登臨頓覺壯心孤溟濛雲氣通衡嶽  
蜿蜒江光互蜀吳已喜名山供醉卧可憐國士尙飢驅我來  
欲訪圍棋處斜日長林噪暮烏

晚晴移詩匯卷一百四十六終

晚晴移詩匯卷一百四十七目錄

周壽昌 十四首

李聯琇 十六首

魏源 二十六首

劉伯填 十三首

徐時棟 十二首

何兆瀛 二首

蹇諤 四首

傅卓然 一首

彭鳳高 六首

王必蕃 一首

張裕釗 十一首

鄒崇漢 一首

王汝騏 二首

秦細業 四首

晚晴移詩匯卷一百四十七

徐世昌

周壽昌字應甫一字苻農晚號自庵長沙人道光乙巳  
進士改庶吉士授編修歷官內閣學士署戶部侍郎

有思益堂詩鈔

詩話自庵少年喜爲駢儷之文自謂學二雅之雋博  
而去其纖僻求闕齋極推其能填詞尤工小令散文  
亦有義法其補校史注題跋書畫考訂金石旁及畫  
理醫學靡不精審餘事爲詩奄有眾妙要以義山劍  
南爲歸晚遭困蹇益造  
平淡蓋所得彌深矣

秋夜獨坐

橫胸五嶽聳嵯峨自剔殘燈倚醉歌階下寒蛩樓上雁十  
年消受此聲多

山行雜詠

山萸子熟趁風落蕎麥花開如雪飛入林路曲不知返高  
下亂峰青四圍

金陵春暮

鐵甕城西聳麗譙秣陵東望路迢迢蒼茫雲樹逢三月歌  
舞河山遞六朝細雨溼花朱雀桁晚風低柳白門橋鄉心  
未逐春波長江上孤篷夜聽潮

拂水山莊

幾樹殘陽故國春滄桑回首劫灰新褚淵舊日原名士危  
素興朝自老臣末路艱難同有死清流朋黨愧斯人絳雲  
莫更尋遺趾欲遣西風蕩庾塵

書張江陵傳後

相公禮數絕班聯生是升霄死墜淵博陸禍萌驂乘日元

成恩斷仆碑年曾無梁寶地臺盛並異京攸父子權弱主  
衰朝中外肅千秋誰似濟時賢

最憐莊烈一朝臣五十人無此一人法禁貂璫嚴內侍令  
馳羽檄靖邊塵微嫌儉遜公孫被未許人污丙相茵尙有  
文孫死奇烈荆山桂嶺兩嶙峋

夜坐攤書不寐賦此卻笑

霜月夜已寂丹黃心未疲讀驚鄰寢夢吟續舊游詩析誤  
荒雞補鐙昏黠鼠窺手書還兀坐自覺老夫癡

偶書

嵇康疏懶步兵狂束縛從來與世忘四十年中百憂患三  
千界裏一毫芒角憑蝸寄分蠻觸腹任蟬飢謝蛄蛻飽飯  
讀書吾計得不須秋水悟濠梁

胡恕堂中丞聽禪圖

粵秀峰頭妖霧橫先生到日攬槍平西子湖頭秋月皎先  
生去後烽煙擾一去一來何因緣是有妙法非言詮心慈  
合造人間福量大能超劫外天天台一萬八千丈飛仙往  
往凌風上忽從古德證三生俯瞰塵寰空萬象魚山梵唄  
幾由旬白足歷見宰官身手持龍節敷靈雨活物豈數恆  
沙塵修羅不熱青蓮火小歇津梁參佛果根芽悟徹去來  
今丹青妙寫人天我我昔問絹之江涯石梁曾訪赤城霞  
披圖願附聽經座笑摘靈山一瓣花

秋泊

渺渺煙波疊疊愁飄然一葉蕩中流湘江老得秋如許不  
許蘆花不白頭

澹忘

力遣牢愁付澹忘，垂簾枯坐靜焚香。  
官閒屢集惟書估，老倦常游是睡鄉。  
室有吟聲貧亦樂，秋多晴日晝仍長。  
遺文更欲傳宗武，泣語諸孫好護藏。

鐙下校書畢卽書其後

盡夜丹黃漏未終，壯懷猶作少年雄。  
書煩人寫慚麟士，詩逐年增似放翁。  
竹徑有陰微翳月，紙窗無隙暗生風。  
文章報國終何濟，便到淵雲未是工。

飲酒雜詩

我生不善飲，見酒心輒喜。  
酒戶三數人，視我頗知己。  
人生隔胸臆，對面千萬里。  
惟有醉後言，謬誤亦至理。  
當其飲極暢，天地歸尺咫。  
幽暗靡不宣，披豁傾底裏。  
不聞羨門生，能

勝劉伶死窮達况有命此酒未可止

曬舊衣感賦

卅載綈袍檢尙存領襟雖破卻餘溫重縫不忍輕移拆上有慈親舊綫痕

李聯琇字季瑩一字小湖臨川人道光乙巳進士改庶吉士授編修歷官大理寺卿有好雲樓集

詩話小湖爲春湖侍郎側室子少孤爲兄嫂所不容刻苦力學弱冠卽擢高科登玉堂躋九列年甫四十遽然引退自訂詩文集仿班書例以叙傳冠首其學精於治經而詩文亦夏夏獨造無一語落人窠臼嘗序黃明經旭菴野詩鈔謂詩有四體又有四用纏絡爲筋扶植爲骨灌輸爲血敷瀦爲肉四體合而詩之規模具鏗鏘爲聲揚詡爲色融會爲神流溢爲韻四用周而詩之性情出其論尤發前人所未發晚歲主課士時比之曉徵惜抱

書懷

雞鳴太白高人事迫人起晨鐘敲一聲茲爲憂患始我生  
鮮營擾百慮皆芟除能使終日心長如未曉初

烏兔倏東西天行若旋磨我年日以增我志日以挫回思  
昔所業不值一涕唾傷哉迷復凶噩沒矯游惰朝光海上  
昇起起毋耽卧百年曾幾何一半睡鄉過莫打黃鶯兒留  
唬驚夢破

結交不識心終非計之上君謂河冰堅其下翻潛浪浪翻  
無已時冰也成流斯君爲踏冰人浮沈安可知世途盡如  
此慎勿矜坦夷

枯桐偃道畔雪霰競相侵不知誰采取刻作雲門琴一彈  
復再彈鳳鳥聞聲至回首拋棄時窮通何迴異豈不感恩  
情其如不復生朽質長已矣空存身後名悠悠身後名鬱

鬱窮途志著書藏名山本是無聊事

我笑杜陵翁大言庇天下尚乏三重茅何來萬間厦豪情  
空自夸熱血向誰灑不若素封兒餘潤分孤寡所活雖無  
多尙有銜恩者

悔昔篇

屠龍破千金巧技支離誤刻猴齋三月無成觸燕怒并癖  
安知摧越軍箠弄徒言答韶護君不見制科習氣古來恥  
平生悲咤吾虛度六年應舉業時文八載登瀛課律賦日  
爲小詩心不閒夜書細字身如錮盧仝束置春秋經李沆  
忘參論語句俳優久習無文章古義稀聞況時務粹逢世  
變需人才太息誰儲濟川具士爲名累魚中鉤莫待名成  
方猛悟

夜抵延平驛館

好山偏傍惡溪橫到此山程勝水程嶺入畫來蘭若占灘  
無舟處竹簾行市簷一霎旋經鎮塔火微明漸辨城欲向  
龍津覘劍氣深更凍雨宿南平

赴福甯度白鶴嶺作歌

身登白巖鼻

俗稱茲嶺  
爲白巖鼻

足踏巨鼇背攀天不盈咫觀海直

窮界闐陬恆煥無冬令到此巖飈颯衣帶璆然振佩凌寒  
空指揮嶽靈騁雄怪城郭在下微難辨日輪投西低恐礙  
拔戟一隊張吾軍揮斧六丁鑿何代疑是巴山蛇食象骨  
不碎繞磴摩腹高昂頭蜿蜒蛻殼半空挂又疑華陽龍罰  
雨天所械生縛倒豎如雲梯度人上升出塵盪問之士民  
曰不然由昔有鶴來蹠躡山以鶴名復象鶴過客踰嶺窺

行全斯言驗否在迴望果見如翮將翔煙終知鶴意不余  
棄留送返日青行纏嗚呼鶴勢盤千里猶戀其鄉不輕徙  
我今寸步費經營海角天涯枉投趾久勞於外胡不休鶴  
兮鶴兮爲我謀

自福甯旋省度白鶴嶺

陡絕輿夫肩高出飛鳥翼鳥飛有時集夫無半巖息半巖  
欲傾瀉可下不可立一輿直壓肩扛舉萬鈞力奚翅上山  
勞輿如牽井汲匪徒夫力竭輿中亦危仄上苦縋城升下  
防倒篋出漠漠輿簾外茫茫海難測警欬生風雷吹落杳  
無極以手障輿簾不敢一轉側兢兢坐如塑自午泊日入  
嶺盡官吏迎迺得下輿揖

昨出泰山道不驚泰山高山麓猶挽車邪許隨鳴鑣仰瞻

但雄偉峭峻非所裊茲嶺卽州鎮敢向喬嶽驕胡爲更聳  
峙孟隘加韓豪絕壁不通馬人行若升猿儻使移東封知  
讓誰摩霄共惜墮荒僻難役羣靈朝豈悟無佛處稱尊名  
易標彼都土基厚此邦地勢凹彼所謂平地高於此山腰  
村郭隸半天突出唯山椒詎同甯德縣坐塹觀岩巉我論  
祇憑臆客來爲解嘲在山競言山當局鑿多滑誰爲汗漫  
游海上評沃焦

三百三十有三士亭歌

乾隆時大興朱笥河學士筠  
視學閩中士相見者各貢一

石勒名充贊凡得三百三十有三因建亭以名之  
距今數十歲亭屢興葺余奉使莅閩之次年復圮  
於雨修廢  
落成因賦

吾聞羊城使院仙掌石九曜飄蕭太湖白當年劉龔疏藥

洲緩罰罪人運靈壁

仙掌石在廣東學使試院中南漢劉龔鑿湖通藥洲罰惡人移太湖靈壁

石其中號九曜

石仙掌其一也。鰕生不作嶺南游，未挾榕根摩薛刻。落星

浩劫話滄桑，遙憫千夫困。鞭策何如遺愛播，甌閩庭贄紛

綸獻瑤席北平學士創池亭點首諸樊語鴻跡珊瑚入網

競羅珍羔雁成羣。傲披籍歸裝不歷鬱林船，載酒奚誇揚

子宅後來司空幕作圖題墨曾邀先大夫

韓樹屏司空鼎

三百三十三亭圖照還關徵

詩都下先嚴題五言古一篇詩中恨不拜石丈太息輶

軒迅一驅

詩有我昔駕輶軒三山迅一驅之句

先嚴以嘉慶戊申典試閩中故云夙披手澤

悵難見兩世神交。遲覲面石漸兀，鮑亭更傾重整。規模供

賞醺漫懷學士與司空坐亭讀詩，淚如霰。旱魚風木觸悲

辛召伯甘棠迹未淪，去思在口兼在目。遠利近名非所珍

三山瘠土今益貧，安用寒蟲輸算縉。臣門不費一錢贄，怪

歎峰巒重累人。

春興

勞久思一閒閒來卽生嬾觀書亦云適胡爲卧持卷一葉  
未及繙頽然合雙眼睡味與書味醞釀十分滿不知春晝  
沈花陰漸斜轉卷從手中墮枕低恣蹂踐有如帶宿醒輒  
飽浪拋殘覺來聞書聲童塾課方展何以導兒曹此生太  
偃蹇旁人謬相謂高卧非荒溷夢中豈得句噉語興不淺  
走覓南鄰伴齋扉反扁鑰春晴誰不出我亦一登閣面城  
無街市曠遠橫溪狎倚檻數行人茫不辨老弱轉爲行人  
窺仰指且前卻足未入官府訝見此乘鶴庾亮多賓僚是  
否官同樂相望渺千里遙情未容度何處暮蒼然一繩紙  
鷺落

寄園樹槐柳穠春但一碧鄰家爲補景出牆杏花白宛然

臣里姝自成詞賦客微風度蘭麝宿雨炫容澤遠近嫌疑  
間含情兩脈脈於茲不三年當爲大夫惜

繚垣皆蔓菁多日茁新芽方柔不采摘葉大今已花此物  
便軍食屯兵憶衰斜沃沃彼何知詎悲蜀婦髻我見生遠  
愁戰場尙風沙虞竈或乏此銜種倩飛鴉不嗤細已甚取  
給免士譁炎炎雖隔境嘆雨懷樂巴

浮遠餘空亭乃在君山巔我樓與亭對下視皆麥田恍共  
山靈博碧罍爲碁盤又如競妝服藻野兼縵川年前少雪  
澤麥性不畏乾青蔥兆成實烏雀聲先懽疲忙不敢慶硬  
餽何時餐還望雨暘若禾熟如麥然後豐補前歉庶幾課  
稅完竭力服農畝輸餼不我寬

魏源字默深邵陽人道光乙巳進士由內閣中書歷官

高郵知州有古微堂詩集

詩話默深淹博羣書熟於掌故尤精輿地之學與龔定菴齊名時稱龔魏平生足跡徧天下名山大川罔不游歷爲文發抒心得不蹈故常奧如命如自成一格作詩亦然其雕鑄造化挺險鑿幽之筆能使山無遁形水無匿響凡難顯之狀未道之景一經摠寫如鼎鑄象如鏡印影自漢魏唐宋以來亦別爲一體蓋其才大學博不能以常格繩之也

客懷東龔定菴舍人

一年春一度一夜夢一枕春去夢醒時回首了無影微雨原上來洗我竹窗靜以君衣上月照我花前飲門前臨大道石坂成畦畛左有萬蹠痕右有千轍軫自有宇宙來車馬無停騁車上客遙遙車下塵隱隱

長安都會地車馬萬闌咽所喧本非我城市如山澤入門紛書冊出門耽水石苦樂雖殊途同爲物所役何如掩一

關虛室中宵白勞勞嗁夜烏夜靜未遑息

東風吹草青西風吹草黃惟有客子心不隨草短長束髮  
慕仙真倒影凌扶桑幸遇廣成子牖我先天方中道牽小  
術歧路多亡羊日暮臨廣莫天風振枯桑前途悵緜緜後  
轍悲茫茫驚沙如海濤欲濟川無梁安得遵雲衢及此桑  
榆光

地平如板輿天覆如穹廬與君百年內託足無斯須試問  
所營營花蕊上蜂鬚一春所醞釀廣爲三冬儲下備子孫  
哺上奉君王需區區一飽間竭此百年軀誰知甘似飴出  
自苦之餘

華山西谷

華山中斷爲二而蒼龍一嶺聯之嶺左右  
爲東西二谷東谷直抵潼關而西谷最勝

登華者皆自此入卽所謂張超谷也谷口水匯於  
玉泉禪院尋澗而入雙峽壁立麓趾互錯地深天

高石奇泉養凡百十曲而至水簾洞瀑自絕壁萬  
仞飛下卽谷水之源也洞居半壁一石凹出受瀑  
倒入洞腹將至洞底復穿石出下匯寒碧而兩峽  
松各數十萬綠天翠海濤滿虛空光響靈幻非復  
人世宇內斷無第二而自來游華者皆半途卽舍  
澗登青柯坪從無一人窮源至斯者洞天咫尺不  
許問津何必挑  
源始迷前路

蒼蒼惟一色不辨雲樹峯浩浩惟一聲不辨風泉松入谷  
幾千曲穿雲將萬重時時亂石間洞潭卷天容尋源不得  
源詎惜勞雙筇山荒人迹絕猿鳥俱鴻蒙誰知萬壑響出  
自微泉淙萬泉之上游關鍵萬峯中出入石府藏詎非龍  
所宮空翠風不卷氣與諸天通

溪山各無言萬雲所酣醉水石各無心萬松爲映漬松雲  
幾萬重浸得衣渾翠身似魚游空何待生羽翼仰視峽中  
天古井瀾不沸咳唾不敢輕谷響殷潮勢步步皆嶽魂息

息通仙愜瑩然一寸心蒼蒼照天地詩難狀碧空夢亦浮  
元氣何人蒼龍嶺俯矚思飄墜請謝世網塵長枕秋雲睡  
仙犬守雲扃毋許漁樵至袁中郎游華山記自蒼龍嶺俯  
瞰西谷水簾洞松雲水石之奇  
直得一死蓋亦身未至  
而遙瞻已如此心醉

岱谷西溪

岱嶽三谷東溪中溪皆崖狹水深可游不  
可棲東溪對松崖中溪即石經峪也惟  
西溪自麓來峰麓深入數十里曲奧曠窮溪盡源  
出有東西百丈崖雙瀑之奇而西崖尤峻係明復  
諸賢皆讀書其間  
爲岱嶽之最勝

山大水聲小水與山不敵誰知砉砉能靜巖巖魄岱宗  
石不裂裂卽萬尋壁山泉雲際青飛下勇無擇澗水奔赴  
會供此雙龍吸嵯峨蕭瑟間聲光百寒碧仰視蒼蒼天圻  
入巉巖石傾崖宿蒼陰倒影地不及不辨峽西東但隨溪  
轉側到此頓忘歸今古空明積昔賢此考槃觴詠譚王伯

至今濯纓亭氣與岱宗赫山禽不敢嘑草樹若屏息悄然  
萬慮澄何獨紅塵隔

岱谷靈崖

靈崖在岱北當齊孔道自雞鳴山北走二  
十里險盡地平峯回四抱如城墉入口三

里踰澗得寺負崖西澗古木千章龍象雄峙唐李  
吉甫以與澗之棲震台之國青荆之玉泉並爲宇

內四大刹乾  
隆間置行宮

北山恆若渴得水已足豪何況天城墉四壁圍周遭萬木  
千水石相合成空濤置身萬綠中眉入松間毛回顧木杪  
平始覺所歷高離宮負蒼翠梵宇橫山椒當年法雨地諸  
天殷海潮逃喧入寥寂未覺流泉聳僧愧隱居逸憫我征  
途勞極目雲天間陶然詠唐堯

太室東溪盧巖澗

盧巖當嵩陽啟母石入山孔道故  
名最著介中峯北峯之間蓋東溪

也然惟上寺水簾雨後奇勝其下寺崖口五渡岸  
高水深俯瞰幽探故溯澗之樂不如南北二溪

度梁訪天門忽訝山無底  
穿出碧玲瓏漸深青壁壘  
人影沒數重倒在波濤裏  
白雲不在天明月不在水  
落此亂石坳鐘聲催不起  
但聞濤隱淪不測泉終始  
崖高水深深天寒日色死  
請君雨後來一贈鈞天耳

登太行絕頂

太行北澤潞南懷慶實止五陘首尾千里而近其三陘在滹沱以北者乃恒山

非太行也惟壺關一陘爲入晉通衢自河內清化鎮入谷數十里四山環互水竹村落與曠真盤谷自此逾羊腸坂九折至天井關則太行絕頂天下之脊矣脊北皆重黝頑石椎脊南郡縣雲木滄鬱故太行之陽

號小江南

臨險如大敵奮勢成獨往  
竭盡筋力能馴至青冥上  
一壁石怒生千崖獠相向  
石雲晝不收崖瀑夜逾響  
數日惟一登不知所歷向  
及顛反下視始悔輕身妄  
俯影如在淵其深不及望  
中與何包孕山於斯府藏  
一降一生妍一步一

回仰

一石互千里石上森萬峯羊腸繞其西孟門峙其東凜然  
長黑雲我行入其中崩崖劃大谷飛瀑裂鴻蒙諸山聽指  
揮趨侍何鞠恭關塞肘腋扼郡邑尻脰從昂頭赴東海三  
月脊猶穹絕頂竟砥平萬馬屯崇墉建瓴批擣勢扼吭當  
關雄一面制天下絡繹驅駝驘宜乎紫團參自古王氣鍾  
到此身驟貴宇宙蟠心胸承平無險要懷古來悲風

重游百泉

天風吹夜泉琤若雨聲碎不知一片月已上嘯臺背遙山  
白于曉林樾失翠黛湖雲碧于煙因風蕩爲籟相將沿隄  
去步入空明內俯仰寒蒼然清氣不可界且與夜漁人游  
立聽石瀨

盤山紀游

燕山至薊門近海忽矯首西上土變而石是為盤山遠望如方城入其中則與曠幽

奇有五峯三盤之勝東西兩澗夾中峯而下中峯以上為上盤其陽為中盤常兩澗之合受南峯回抱者為下盤古稱上盤石中盤松下盤泉其實三勝盤盤有之蓋山外骨而內膚故怪石劍戟中果卉鬱然松與石爭奇泉與石爭怒今半為行宮半為梵寺

北龍到海盡鬱鍾泉石秀巖然大黑雲橫枕薊門右矯首  
忽西上欲與太行鬪青蒼無垢辨誰識中藏奧全變邊塞  
莽自成蒼玉宙陽崖百卉尊陰谷干冰溜松雲棟牖出韶  
護階除奏我來雨後山黛洗煙嵐透干霄千石奮噴雪萬  
泉吼雄哉造化藏遠笑驪山陋

重游盤山寺

青壁障我前丹崖枕我席瀑雪響我左松雲滃我腋溪聲  
以為樓溪光以為宅山重水複中放出一泓碧僧送出山

泉泉迺入山客同音有殊聽高下善相卽心閒水益空谷  
靜音如積去年聽盤泉泉聲尙淒激今年聽盤泉盤泉更  
清寂

棧道雜詩

隴山自此終南山自此始秦坤蜀艮吭大斷乃大峙萬山  
東一坪沔渭分峽水觀山必觀峽左右萬峯倚雄關互雲  
際聯之一綫耳果然關之東雪瀑半坡起翠壁瀉浪浪萬  
仞杳無底陳倉大散關一扼干夫壘平世息龍戰窟穴猶  
虎兇登高復何畏一呼萬山唯前途大闢闢造物意未已  
寶雞之煎茶坪卽大散關古陳倉道也坪僅一綫而關下  
水北流入渭南流入沔萬山一吭爲中幹過嶽處地多虎  
窟人皆  
棚避之

山勢日以高山氣日以橫俯首壑前雲側足身外徑陟嶺

知勢積薄霄畏身殉俯視升氛勞始知奔峭盛身已陟雲  
梯前山猶萬仞風餐露宿中更向前林進昨宵最高峰已  
在鳥底視中天腐骨輕下界塵懷淨臨深履薄中涉險惟  
一敬

劍閣

出坎入坎干上天下天百陡然萬古奇森此寸眸石石  
欲刺天石石怒爭壁不見一鳥飛但聞萬馬慄綫溜瀉石  
髓哀玉鳴不息筋力盡青冥漸與空天偈世界縮地入萬  
鬼拔山出落日照天南絕峭橫空墨淒涼戰壘風慘澹游  
子色奇從險極生快自艱餘獲我身天外來盡訝雲中客  
河山兩戒雄喟矣二儀塞

石門洞瀑

洞在處州青田縣有劉青田讀書之所故  
有青田洞非康樂所游之石門也故謝詩

不及瀑且營構節明爲始甯聖之大小石門  
在今上虞縣之東山與此無涉故詩以補之

來從不盡山歸入無底谷中鳴百雷谷外攢蒼玉有呬  
響必應環合城墉東大聲劈天來千丈壁如覆再墜再飛  
起匯此兩潭綠雄豪化清泚蒼翠圍寒肅滿壁蛟螭痕泉  
聲寒佛屋客踞潭中砥僧入簾中瀑四面和松濤諸天奏  
琴筑神物吻潭中中宵光上燭何時起行雨一洗蒼生溷

黃山詩

黃以險名游者又皆自徽歙前海入故山湯

之險若自太平後海入則由松谷至石筍可偏  
覽光明頂西海門之勝後至文殊院以觀蓮花天  
都之勝而遶山麓以觀九龍潭再遶山麓以至朱  
砂泉白龍潭而出芳村夫何險之有敬告山人往  
反出入皆當由後  
海嶺勿由前海

峽壁仙掌立細路紋在掌久別蓮花峯十年如更長萬石  
相玲瓏疊出羣山上雲巒時絕續泉聲日奔放泱泱天爲

岸扶難感藜杖絕巔峙峭石生成非一狀要知穎露奇只在蟠根廣奇絕飛來石何年巧安放謂墜上空空謂崩絕依傍莫窮結構原彌驚孤立壯

不知何處雲飛作茲山石巖峩各異勢紛詭不一格春雷怒萬筍閭闔排戈戟石腹裂百竅吞吐雲煙百雨餘雲不歸來往此中宅有時鋪作海萬青環一白蛟龍恣變現怒鼓天濤赫誰鑿混沌天而無斧痕迹變幻各縱奇不復就繩尺石間松盡眠石外水皆砦

老松生空山一物無可恃得天惟雲液得地惟石髓母石而父雲化億萬龍子有似石紐聖剖腹能生啟稟茲堅勁性怪怪奇奇起勢不欲上天橫行雲海裏性石不性木肯共雲生死但知極松變那願失松體一峯踞一龍萬峯萬

龍倚空山風雨來精靈互神鬼蒼叟夜叩扃閉門君勿理

中條山王官谷雙瀑吟

中條山在解州鹽池之南黃河之東北五峰環拱而天柱

峯居中南而獨尊中有王官谷雙瀑東西自天柱直下飛灑叢石間而觀泉亭當其合流清瑟嵯峨瑩神滌慮乃唐陽城司空圖所棲隱也自解州城中望之奇峯疊嶽天然畫圖山形勢類王屋而泉瀑遠勝之爲春秋秦伯伐晉渡河取王官之地河

道也

忽驚雲黑何方雨誰知泉挂峯頭樹一村雲樹水聲中疑

是山人辟秦處條山西枕黃河曲四山環拱天柱足人言

黃河天上來誰知銀河萬仞卻瀉山中雷東西兩瀑不相

見回厓寒閔千瓊瑰寒日無影峯插漢但有古雪濺莓苔

人言西北之山少泉水不若東南雷電起豈知河北瀑龍

不見首尾岱華西谷水簾足遊人登峯不尋谷折山雙瀑

橫雲霄高寒誰肯躋岩堯太行林慮瀑奇絕崖谷荒險虎  
豹穴惟有盤山泉石聞天下卧瀑終殊飛瀑掛欲求西北  
觀瀑不險而絕奇無若王官谷裏天紳垂晴空雨雪三千  
丈終古風雷十二時垂綸亭濯纓澗此間可以忘南面有  
人絕壁煙霞鍊欲往從之峯回路轉可望不可見雲樹蒼  
蒼空浩歎

江行雜詩

試登大別觀荆鄂何似君山俯洞庭如束估帆三楚至無  
窮征雁六朝聽大江東去風月白春色南來天地青何事  
悲歌更懷古乾坤元氣是吾形

高郵州署秋日偶題

天無風雨不成秋只當清明上巳游楚樹吳雲二千里滿

天黃葉獨登樓

傳舍官如住寺僧  
半年暫主此荒城  
湖邊無處看山色  
但愛千家帶雨耕

衙齋少地得天寬  
亭畔疏花醜石安  
官旣支離民又病  
待成新竹斫魚竿

劉伯墳字鶴巢號詩橋永清人道光乙巳進士官隰州

知州有霜柯亭詩稟鶴巢詩集

詩話鶴巢少聰穎與同邑張海山李化北齊名有巖  
南仁鳳凰之目嘗受業於益陽湯海秋歿後詩文稟  
多散佚

奉贈湯益陽師

正聲久不作懷古竟何人  
鸞鳳翱翔下荃蘭咳唾新  
百年開壁壘萬象入陶鈞  
突兀浮邱閣長留太古春

赤手擬爲霖傷時一哭深崢嶸留勁骨踏踏損雄心不盡  
長沙淚難回澤畔吟沅湘香草在遮莫戀抽簪

一卷靈均賦輪囷鬱古香雅音關墜續餘事託微茫壇坫  
千秋在光芒萬丈強虬蟄竟何益大樹總蒼蒼

夫子愛狂簡春風及草萊自慚樗櫟質亦屬藥籠材郊島  
稱何敢班倕幸見裁行當馳九辯一繼楚騷哀

嗜古從吾好違時哂亦休世情混蘭艾天意雜薰蕕騏驥  
空皮相珊瑚此網收登龍斯已足何必更千秋

花暝雨冥冥山亭更水亭追隨從悟道灑落到忘形天遠  
愁難問時危賴獨醒駐顏有燕酒珍重鬢星星

懷人

劉文本

吾道久榛荆斯人迴自鳴百川悲既倒一木賴孤撐潞水  
從爲別燕雲空復情著書原濟世未可避浮名文木先生  
宗程明道  
之學務躬行實  
踐而不喜著書

周一峯

磨盾文翻水橫腰劍吐雲一峯具文武才隨其父敬修中  
丞前在廬鳳時嘗手俘渠寇數  
十人卽今論萬里青眼獨爲君世事滋塵垢天涯自醉醺何  
時同握手愁思正紛紛

龔定盦

海內文章伯周南太史公道光己亥定盦挂冠將南歸告  
別湯益陽師袖出摺帖乞書此  
二語爲贈師  
卽欣然許之百年真健筆垂老惜飄蓬兀傲原宜隱蒼涼  
只送第太立有知己端可慰揚雄所著定盦文集貧不能  
梓益陽師深爲扼腕以  
副屬爲  
已任

張洵山

美人在何許遙隔暮雲端地僻衣裳靜天低笑語寒窮愁  
仍破硯辛苦爲燒丹

洵山頗嗜道家言每以藥鑪丹經自嬉

久客兼多病相

思一倚欄

夜宿山村

暝色連山生野煙籃輿晚度萬峯巔崖邊石磴盤雲轉樹  
杪人家隔嶺懸夜雨潑寒秋似水短鏡搖影屋如船亂流  
落葉無情極故送西風到枕邊

萬福寺

古寺闢雲根陰洞琳宮嵌石竇儼蟻穿苔磴旋螺轉神工  
巧結構飛梯護朱檻興來偶游憩上下恣流覽邃室凜生  
寒軒敞倏驟煥鬼神忽欲動髯張雙目睥幽窟足妖怪白

晝精靈閃探奇已恍魄憑高更放眼煙霏炫紫翠崖谷互  
晦顯颯颯吹天風樹杪烏鳶颭人家蔭寒綠牛羊散平阪  
冷然發鐘磬壑谷流音滿拂衣尋歸途斜照楓林晚回首  
望山腰雲際松關掩

雨霽登郡東城樓

莽莽烏雲沈大壑森森碧玉插高煙只疑絕徼連天盡不  
信長安近日邊落葉白波空自響斷霞紅樹爲誰妍年來  
才思消磨盡漫賦登樓擬仲宣

徐時棟字定宇一字同叔號柳泉鄞縣人道光丙午舉

人官內閣中書有煙嶼樓集

詩話柳泉爲全謝山再傳弟子學有淵源家居著述  
主四明壇坫三十餘年所纂鄞縣志蒐考詳密爲方  
志所僅見詩筆道健不懈而及於古新樂府尤擅揚  
所詠多關軍中吏事有資勸懲探風者當有取焉

全侍御畫馬行

駒郎畫馬推專門能以慧心師古人晉唐神品不易得淵源惟有趙王孫王孫晚節何靡靡而其畫馬良足喜豈知遭際忽相同於是其馬深可鄙崎嶇山海亦勞瘁聊將畫馬抒坎軻何人尙稱松雪翁乃以故吾例今我謂我此畫堪亂眞旁觀嘖嘖駒郎嗔曰爾惡知吾畫馬我所師者龔遺民遺民不肯畫駑駘天曹下取天馬來人間塵濁那得有先生之言欺人哉顧其畫馬雖不傳其畫馬法吾能言駒郎隔世稱私淑想其畫法當復然酒酣耳熱呼兒急命兒撲地如馬立鋪紙卻作唐馬圖潑墨淋漓兒背溼狂風驟雨筆不已擺脫一切空摹擬須臾寫出雄俊姿擲筆大笑兒亦起駒郎有兒非凡數閩中況有同心助吮筆看郎

畫馬成胭脂來畫馬邊樹青枝紅葉娟不俗此樹何如管  
姬竹樹邊一馬獨嘶風兩馬寢立兩奔逐吁嗟乎銅馬不  
出泥馬徂老驥伏櫪哀龍駒彼戀棧豆甘局促尙圖神駿  
胡爲乎遺民畫馬旣絕塵駒郎畫亦希世珍勸君慎祕此  
畫勿爲六丁取王孫畫馬筆下空有神

門蔭歌爲孫通判

懷邦作

通判孫君吾外嫻海壇總鎮之仲孫一旦過我話家世自  
言身被 先皇恩 先皇恩詔出丹禁大僚子孫許推蔭  
是時伯父已在官遞及家君以父任未及受祿奄然殂僉  
議襲蔭當在吾房從忽起相爭奪抱牘往控言虛誣有司  
積久不能定封章展轉達天聽方今聖人親召除始獲銓  
曹注名姓軍興大開捐納科黃金臺上貲郎多年年卻送

人作郡嗟爾門蔭可柰何黑貂裘敝面枯槁廿載九上長  
安道輪蹄鐵盡歸去來行年六十吾將老歸來妻兒嗷飢  
寒丈夫貧賤難爲歡作賈無財農無產百計不如仍作官  
去年需次將及期行囊羞澀還典衣他人我先已十日親  
朋笑我來何遲我有窮交歸自客昨日相逢好顏色鮮衣  
怒馬游市中聞道軍前拜恩澤嗟我哀苦難具陳門資衰  
歇慙先人噉飯食肉吾未老逝將往從江南軍

溪頭老婦行

溪頭老婦哭黃昏哭聲淒楚不忍聞生遭亂離盡哀怨何  
爲汝獨嗷酸辛自言家住城南窟有兒壯年夫白髮延慶  
寺前租荒園年年賣菜爲生活城頭解甲紛逃軍倉黃奔  
竄驚四鄰我亦刮錢買馳馬

最小船名也俗謂之快馬

一家數口依昏

嫻入山驚定愁無奈出門攜得斗升在來時雨餘園菜肥  
商量挑向隩中賣父子相將入城去此時消息只如故誰  
知一夜飛風來紅巾徧滿西南路鄰舍有人逃出城眼見  
父子驅爲兵裹頭白布赤雙腳長髮健兒鞭之行悲來不  
敢囓人屋避人私向溪頭哭悔恨當時不少留相對飢死  
意亦足昨日萬人出城分西東逼迫俘囚爲先鋒聞道此  
去戰諸暨願他父子辛苦猶城中

孤兒行

孤兒生命一何苦什伯成羣作囚虜孤兒命苦兒不孤孤  
兒各有母與父父母看兒如掌珠飢食肉糜寒衣襦忽遭  
喪亂抱兒走相逢狹巷被牽驅男爲役夫女爲妻奪兒懷  
中兒哀囓大兒十歲小六七隊隊抱上城樓棲城西酒傭

舊相識昨來山中面黧黑爲言身經十日俘繫在城樓餉  
兒食羣兒哀嘯聲聲續哀極聲低音亦促每當嘯急不忍  
聽一呼賊來無敢哭此時景狀尤慘然不知賊復何心肝  
西城去此七十里嘯聲尙猶吾耳邊吁嗟乎嚴陵昔歲賊  
虜至十歲小兒都棄置當時收刺懵懂軍其最少年十一  
二而今網羅及么麼破巢下更無完卵乳臭小兒何罪辜  
一朝羈縲搜天禍城樓百尺高入雲黑雲低壓城樓昏上  
有青天黃口哭聲如雷天不聞

大將

恭承詔命入江東指顧平蠻膽氣雄大將視師猶境外纍  
臣歸骨已舟中受纓信有終軍策賜樂誰論魏絳功文告  
徧傳長歎息伊人失計是和戎

卷甲投戈罷戍邊夜來幕府令喧傳安排廬井多新作歡  
笑雞豚解倒懸不信亂生真式月豈知狄至在期年賈生  
肯有欺人語繫頸單于早眼前

偶來浦漵任徬徨不料檣傾機亦摧陷淖尙思游涌逸獻  
俘爭看泝江回未妨快意誅長鬣何必驕心脯就魁聞道  
將軍謀靜鎮新來千騎乍驚塵

重兵良將守彈丸蕞爾孤懸膽亦寒原爲版圖收既失已

忘軍志退知難海邦昔日常資寇昭代初年未置官

國初地爲

遺頑所據至康熙二十六年始立縣莫謂無人謀不用罪臣臨別早悲酸

飛礮如雷曉夜喧羽書歷歷望兵援帳中四面歌聲慘海  
外孤城士氣寃猶使解揚來誑宋可憐先軫竟歸元江心  
古寺招魂奠何日奇功慰九原

海上危峯鎮不移地形天險界華夷雄關已擊重門柝間  
道曾無一旅師晉國山河原表裏衛公陣卒太支離平倭  
尙有前朝碣斜日昏黃總制祠

妖氛徧地海天昏又見舟師破虎蹲棄甲復來難睥目守  
陣皆哭早銷魂已知將去軍無託焉得脣亡齒獨存百里  
封疆誰寄命但餘荒谷報君恩

明州淨土忽羶腥黯淡姚江隕將星走保會稽吳入越羣  
囚治父帥聽刑守關尙未知山道伐木空勞塞海陁可惜  
斯人無將略孤忠耿耿照丹青

何兆瀛字通甫號青耜江甯人道光丙午舉人歷官廣  
東鹽運使有老學後龔自訂彙

詩話青耜爲恪慎公子以蔭官郎曹烏衣子弟詞翰  
翩翩自西臺山守浙西罷官後僑寓湖上文酒流連

年逾八十一時有洛社耆英之目詩工力雖不甚深而婉約清新想見承平風調其自署曰老學後愈知其服膺所在矣

海塘柳枝詞

微波不是若耶溪  
龕楮煙嵐落日低  
誰向柳陰吹玉笛  
輒雲青過海門西

湖壩寫望

落英芳草蝶低飛  
杜宇嗁春春欲歸  
今日湖山春又老  
楊花如雪點春衣

蹇諤字一士遵義人道光丙午舉人候選同知殉難贈道銜雲騎尉世職有秦晉游草

山梨樹歌

并州南絳郎官署庭前誰植山梨樹  
蔭未及畝高及檐  
拳

曲不中工師度每逢朔望祀且誠稍懈謂恐櫻神怒始作  
俑者何人斯老吏爲余言厥故云昔樹方拱把時縣令曰  
擬施刀鋸入夜恍惚夢見之長揖謂君殊過慮於君無  
亦無妨相戕何必太相妒自後爭傳樹有神數十年來  
愛護我見此舉心已疑又聽此言益不豫不才臃腫實  
喉託根官衙非所據留之或廣仁民恩列之月祀毋乃  
此令壘語本難憑獨怪後來無一悟有功於民祀則宜  
也何功殊忝附君不見仙樓丈瀛與鏡煙兩樓皆指爲  
居朔望行禮  
樹在縣又不見存雲嶺上姜嫫墓南訛以傳訛匪一端難  
途人爲告語何況此事由夢來夢中說夢人無數拔劍  
欲抉根株非常之舉庸人懼聊憑毫素託深心借諗來  
知其故

寶雞縣

到此平原盡峯迴徑欲迷巖疆連隴蜀古道達羌氏石與  
人爭路雲隨馬渡溪風塵何日謝惆悵散關西

五丁關

門戶劃秦蜀雄關闢五丁陰巖存古雪曉樹閣秋星澗曲  
道相望天低畫亦冥金牛通得否搔首問山靈

眼前

久慣天涯忘別離眼前風景況清奇棧雲橫截秋山斷江  
水平吞野岸低估客解談丞相跡村巫爭賽禹王祠倚篷  
笑指晴空外萬點歸鴉趁晚曦

傅卓然字立齋沔陽人道光丙午舉人候選同知有半

溪草堂詩藁

贈黃伴蓮

江峯青到檻庭樹碧過鄰此地數椽屋今時一古人論詩  
家有法藏藥室生春白首貧交久閒來獨與親

彭鳳高字簫九長洲人道光丙午舉人官泌陽知縣有

卷樓詩鈔

和盛君

韻元

王屋題壁韻

太行東走拱神京眼底長河一綫橫得勢起爲天下脊伏  
流獨向地中行祈天壇古傳軒帝授道臺荒說廣成元女  
陰符原自有僊鐙猶向夜深明

太古陰崖雪未融萬年松老質如桐緱山鶴憩留仙蹟底  
柱峯高念禹功日月雙懸窺孔隙樓臺倒影現虛空浮梁  
鐵索天門陡凡骨難禁絕頂風

山如車蓋氣如雲下界風來上界聞玉宇幾重思帝子洞  
天第一紀茅君龍潛太乙鐘聲動象列元辰劍佩紛嵩華  
岱宗遙鼎峙諸峯培塿孰爲羣

漫從參井訪仙真雞犬雲中亦避人花落四時閒自掃棋  
完一局跡成陳玉川破屋秋風早盤谷晴煙曙色新九十  
七泉流潤廣清虛福地世無倫

武陟道中

環隄垂柳尙含煙秋盡覃懷十月天暝色圍村人不見雁  
聲如櫓沁河邊

林慮署後惠德樓西眺黃華山

斜日當窗嶺半紅太行西走鬱穹窿空山夏馥無遺拾殘  
瓦高歡有廢宮珠瀑終留奇境在黃華翻詫贗碑工同名

尙憶天門外氣象何如泰岱雄

王必蕃字子宣臨桂人道光丙午舉人官五河知縣有

桂隱詩存

江樓

五岳歸來後看山又北樓西風飛雁急落日亂蟬愁帆影  
恩恩去河聲浩浩流京華回首處千里暮雲浮

張裕釗字廉卿武昌人道光丙午舉人有濂亭遺詩

詩話廉卿博綜經史治古文宗桐城家法而益神明  
變化之以是負文譽主蓮池書院最久畿輔治古文  
者踵起皆廉卿開之論詩於國朝推愚山惜抱子尹  
三家愚山取五律借抱取七律子尹取七古謂能力  
追古人而與之並其所自作五律教愚山法其明秀  
七律敦格惜抱擬其蒼堅獨七古雄奇恢詭不逮巢經  
然風格道上合唐宋而兼  
斜日

斜日在東牆。秋天澹將夕。卷書坐南窗。餘暉耿榻隙。隱几無一事。萬事憺以釋。清風下檐端。庭柯紛撼撼。繁影一迴漾。颯然感心魄。踟躕忽已暝。松際露月霸。

曉發

江水與天盡。孤帆凌曉開。亂山舒子國。初日遠公臺。野寺鐘微斷。荒城門未開。前舟似故里。幾日楚中來。

張春陔侍御

盛藻

儀徵城中得異石甚佳爲賦此篇

文身舊俗荒不經。百怪巧競鑄幽冥。萬品鑱空買其形。媯皇所遺龍伯得。戲鑿頑礦瞠瓏瓏。甲角穿穴波痕紫。霧雨蕩磨巖氣青。一卷瓌璋表獨立。千秋俶詭誰爲聽。侍御來自古真州。一舸載歸此物尤。自言搜取出敗礫。不知當年誰氏留。我爲摩挲三歎息。豪家舊迹今荒棘。菱谿大石出

清漪廬陵苦爲劉金悲一時志得珍環列百年事往波東  
馳富兒奢惑吁可訕高人者好本難州東坡一死萬事足  
仇池片石百回看寶晉齋前玉珠白零陵亭畔奔雲環妖  
奇壤怪感精魄賢愚雅俗同心剗好奇有癖誰能免遇物  
不留安所患作詩一笑君勿嫌石不能言儻頭點

樊港道中

澤國霜清農事稀菰蘆深處水禽飛幾家田舍悞頭住寒  
柳毵毵靜掩扉

秋望

晚霽江天豁新秋物色涼幽花棲宿雨高柳餞斜陽稭稻  
經時熟杯罌破鼻香時艱欣歲稔更惜日持觴

夜登晴川閣

霜高野迥浩無聲  
河漢西流北斗橫  
傑閣擎雲天一握  
大江流月夜三更  
棕鞋桐帽無人共  
汀鷺沙鷗與我清  
塵世勞勞真醉夢  
若爲靜處老餘生

雨過

江天新霽好林表  
暮光分斜日映殘  
雨清風卷亂雲竹  
涼新葉戰荷溼暗  
香聞頓覺炎歎失  
開緘拂簾紋

日日

日日庭前數暮鴉  
年年江上聽秋笳  
山風落後時過寺  
籬菊開時最憶家  
果熟歡聲喧鳥雀  
香殘煙篆裊龍蛇  
曲肱一覺藤牀上  
夢去樊溪揮釣車

對酒

我生七齡把書軸  
五十三年風轉燭  
少年意氣今白頭  
縮

項拳身一蝸殼中遭喪亂風塵昏十載流離竄山谷衰拙  
更作杞人憂端居自效唐衢哭五侯七貴馳高軒君卿子  
雲入華屋紛紛於我亦何有獨倚孤雲眇天末千齡百代  
一山邱新人舊人莽相續飢飽苦樂度一世苦爲太倉贏  
粒粟我年六十看若爾天縱假年幾轉轂脫巾且進杯中  
滌

安州道中

孤艇蒼茫去平湖自在拖人家煙際樹縣郭水邊樓寒葦  
澹將夕疏林颯已秋飛飛雙白鷺故向遠村投

緩步

兀坐終朝靜掩扉偶從食飽步餘暉寒波微漾魚爭出夕  
照初沈鴉亂飛閒日偏宜籠醉帽秋來漸欲授寒衣白頭

久厭人間世何處一庵眠翠微

鄒崇漢字雲章號星溪公安人道光丙午舉人有辛畦居士稟

湖隄漫興

人生行樂耳吾道是耶非鷗鳥頻頻狎鱸魚漸漸肥江湖年老大風雨願乖違且趁扁舟興還家自款扉

王汝騏字嵇畦太倉人道光丙午舉人有藤華館詩存

詩話嵇畦於詩致力甚深而不恆作今所存諸篇沈鬱頓挫風格道上人謂在韓致堯元裕之間

兵車行

客且去客且去村店高房健兒住朔方調來十萬兵兵車滿道村人驚停驂且致問主人告予病店家三月當官差有肉無魚眾兵忿青州大吏操軍符遣官督兵兵怒呼我

儕出身冒白刃安能飢餓爲馳驅昨夜天南望烽燧賊氛  
已近蘭陵地官軍何日出山東道傍布席擣蒲戲

驅黃犢驅黃犢黃犢牽車汗流腹車中列列森刀槍健兒  
畏死心怏怏鄉村已虛耗頻年苦征調羽書忽到縣令忙  
官吏索車虎狼暴前驅出境後隊迎數十萬錢送一程大  
車折輪犍牛死車長被撻空哀鳴里正斂錢到鄉曲鄉民  
無錢賣其屋租庸事重衣食輕補瘡剝卻心頭肉

秦細業字應華一字澹如無錫人道光丙午副貢浙江  
候補道有虹橋老屋遺集

石浪庵

籃輿度危嶺一寺抱雲根湖勢到門束山形對佛尊鐘催  
夕陽去松約暮濤喧新茗堪留客泉烹石鼎溫

丹陽訪石曼卿墓

抔土雲陽驛外存我來招得酒人魂  
譚兵慷慨昇平日罵坐猖狂卿相門  
贈麥已成千古義賜緋徒感一時恩  
蓉城仙骨今應蛻空欲停颿醉此尊

大雪

柳絮紛紛飛滿天居然三白兆豐年  
耕牛食盡耕夫散誰種臨溪萬頃田

冬日獨游湖上

獨櫂扁舟水一灣冬來游侶總闌珊  
半黃老柳疑新柳疊翠遙山間近山  
多病猶餘雙足健長貧難得一官閒  
倦飛慚愧投林鳥白盡翁頭尙未還

晚晴移詩匯卷一百四十七終